

VUÕIGGÂDVUÕTTMINISTERIA TEÂDAT

26.11.2018

Gollegiella –Tâ'vujânnamlaž sää'm ķiõllcistt juu'levsää'm da ķi'lddsää'm ooudâsviikkjid

Karin Tuolja Ruõcc Jokkmookkâst da **Jekaterina Mechkina** Ruõššjânnam Muurmnest vuäžža tâ'vujânnamlaž sää'mķiõl ķiõllciist ee'jjest 2018.

Gollegiella – Tâ'vujânnamlaž sää'm ķiõllcistt jue'jjet Karin Tuoljaa'je Taar, Ruõcc da Lää'ddjânnam sää'maa'sšin va'stteei ministeeri da sää'mtii'gģi saagguõ'll'jee'ji sábbar õhtvuõđâst Oslost 26.11. da Jekaterina Mechkinaa'je Muurmnest 29.11. Ķiõllciist täävtõssân lij mie'ttvaikkted sää'mķiõl staanummša, ooudâsviikkmo'šše da seillmõ'šše Taarâst, Ruõccâst, Lää'ddjânnmest da Ruõššjânnmest.

Karin Tuolja lij tuejjääm tuâj juu'levsää'm pue'rren Ruõccâst čõõđ ääi'j vuõrâsooumažpoodd. Son lij toi'mmjam u'čtee'len, ķiõll'jâarglõttjen, mättmateriaal ooudâsviikkjen da ķiõllta'rkķee'jen. Tuolja lij tää'rkes ooumaž juu'levsää'm ķiõllõhttsažkâ'ddest, da su'st lij leammaž kõskksaž miärktõs Taar da Ruõcc kõskksâst ķiõllõhttsažkâ'ddest, jeä'rben sää'nnree'gģesvuõđ da termmõõzz ooudâsviikkmo'šžâst da Biblija jâarglâttmõõžžâst.

Jekaterina Mechkina vuäžž Gollegiella- ķiõllciist ku'kesäiggsaž tuâjast ķi'lddsää'm statuuzz staaneem diõtt Ruõššjânnmest. Son lij vuässõõttâm sää'nnree'gģesvuõđ ooudâsviikkmo'šše da ķi'lddsää'm sää'nnķee'rj raajjmõ'šše. Mechkina lij keerjtam da jâarglâttam kii'rjid di viikkâm ooudâs mättmateriaal. Suu tuejjõõzzi mie'ldd määngas liâ tobdstõõttâm Muurman vuu'd ķi'lddsä'mmlai jeállma da kulttuu're.

Ķiõllcistt uu'det õõoutoummid le'be õhttsažkoo'ddid, kook liâ teä'n'jam toi'mmjee'l miärkteeinalla sää'mķiõl ooudâsviikkmo'šž õõudâst. Cistt jue'jjet å'n kääucad vuâra. Puõ'di vuâra cistt jue'jjet ee'jj 2020 Lää'ddjânnam toi'mmjeen koolm jânnam sää'maa'sši õhttsažtuâj saagguõ'll'jee'jen.

Cisttlu'vddkâdda ku'le Neeta Jääskõ Lää'ddjânnmest, David Kroik Ruõccâst, Nina Afanasieva Ruõššjânnmest, Solvár Knutsen Turi da Jane Juuso Taarâst.

Lââ'ssteâđ:

sagstõõlli naača'lniķ Johanna Hautakorpi, vuõiggâdvuõttministeria, te'l. 02951 50018, risttnõmm.sokknõmm@om.fi

Cisttlu'vddkââ'dd vuäzzlaž Neeta Jääskõ Lää'ddjânnam sää'mtee'gģest, te'l. 0405969230, risttnõmm@neetainari.fi